



Broj: 06-021-14/06
Sarajevo, 16. januar 2006. godine

Primitivno:	18-01-2006
Organizacija:	
Broj:	03-07-6-2415/06

IZBORNA KOMISIJA BIH
n/r Predsjednika, gosp. Branko Petrić
SARAJEVO

Predmet: Odgovor na Izvještaj o obavljenoj reviziji
broj: 09-07-6-2112/05 od 28.12.2005.godine.

6. NALAZI

- a. SDA je u izvještajnom periodu dio sredstava za svoj rad obezbijedila suprotno odredbama člana 3. stav 1. Zakona o finansiranju političkih stranaka, jer je na nedozvoljen način ostvarila prihode u ukupnom iznosu od 90.242,92 KM i to :

- 71.039,38 KM je ostvarila po osnovu bavljenja izdavačkom djelatnošću i
- 19.731,17 KM po osnovu prodaje dionica Vakufske banke.

Odgovor:

Navodi da je Stranka demokratske akcije suprotno odredbama člana 3. stav 1. Zakona o finansiranju političkih stranaka, na nedozvoljen način ostvarila prihod od 71.039,38 KM po osnovu bavljenja izdavačkom djelatnošću nisu tačni.

Naime, izdavačka djelatnost je Zakonom o finansiranju političkih stranaka **dozvoljena djelatnost**, tako da ne stoje tvrdnje da su navedena sredstva pribavljena na nedozvoljen način. Stranka demokratske akcije nije osnovala preduzeće koje bi se bavilo izdavačkom djelatnošću, jer ista nije imala namjeru da se trajno bavi izdavaštvom, za što bi trebala da osnuje odgovarajuće privredno društvo. U konkretnom slučaju, izdavanje knjige „Tajna zvana Bosna“ je dug i obaveza koju je Stranka imala prema svom osnivaču i prvom predsjedniku i ista je bila rezultat dugogodišnjeg rada. Knjiga „Tajna zvana Bosna“ je završni dio projekta iz političkog testamenta g-dina Alije Izetbegovića, započet 1994 knjigom „Čudo bosanskog otpora“ (Izetbegović '94) a zatim u nizu knjiga „Izetbegović 95, 96, 97, 98, 99, 2000, 2001, 2002 i već spomenuta „Tajna zvana Bosna“ koja obuhvata

period od 1990-1994. godina i čini jedinstveni projekat u 10 knjiga. Svi troškovi su nastali u periodu 1994-2003.godine. Sve knjige smo dijelili, besplatno, pojedincima, institucijama u zemlji i inozemstvu, a samo smo zadnjom knjigom pokušali namiriti mali dio tehnoloških troškova. Prilog: Riječ urednika.

Također, prilikom izdavanja određenih knjiga nije neuobičajeno da se kao izdavači pojave i određeni državni organi – ministarstva, iako po Zakonu izdavačka djelatnost ne predstavlja njihovu djelatnost. Takva njihova djelatnost nije nezakonita. Analogno tome, Zakon o finansiranju političkih stranaka ni u kom slučaju ne zabranjuje ovakvu djelatnost, on samo daje mogućnost da političke stranke mogu osnovati preduzeća koja bi se bavila ovom djelatnošću. Svakako da osnivanje preduzeća radi izdavanja samo jedne knjige ne bi bilo zasnovano na Zakonu, jer se shodno Zakonu o privrednim društvima privredna društva osnivaju radi bavljenja određenom djelatnošću u cilju sticanja dobiti. Bavljenje određenom djelatnošću podrazumijeva trajno bavljenje djelatnošću dok postoji privredno društvo.

Stranka demokratske akcije nije imala namjeru da se trajno bavi ovom djelatnošću, niti je izdavanje knjige „Tajna zvana Bosna“ imalo za cilj sticanje dobiti.

Također, iznos koji je po nalazu revizije navodno pribavljen po osnovu izdavanja ove knjige iznosi 71.039,38 KM, što nije tačno. Stvarno pribavljena sredstva po ovom osnovu iznose **27.658,0 KM**, što detaljnije obrazložemo na sljedeći način:

SDA - Centar za analitiku, dokumentaciju i komuniciranje sa javnošću je na osnovu Odluke o štampanju knjige „Tajna zvana Bosna“ autor gosp. Alija Izetbegović, prikupio svu potrebnu dokumentaciju za štampu knjige i materijal je dat na štampanje Grafičko-izdavačkoj kući dd „OKO“ Sarajevo.

Knjiga „Tajna zvana Bosna“, kao posljednja u nizu, štampana je u 2.000 primjeraka po prodajnoj cijeni 20 KM, prema kalkulaciji koju posjedujete. Realizacija po ovoj prodaji je trebala da bude KM 40.000,00, međutim bila je niža. U nastavku slijedi pregled izdatih faktura za prodatu knjigu i to:

		Broj knjiga	Cijena knjige KM	Ukupno KM	Rabat	Ukupno KM Fak.vrijed.
I	Knjižara „Š“	700	20,00	14.000,00	✓ 2.422,00	11.578,00
II	Knjižara „Š“	600	20,00	12.000,00	✓ 1.920,00	10.080,00
III	KO SDA SBK-Travnik	30	20,00	600,00	✓	600,00
IV	BIHEXO Sarajevo	50	20,00	1.000,00	✓	1.000,00 ✓
V	OO SDA Travnik	10	20,00	200,00	✓	200,00 ✓
VI	KO SDA Sarajevo	200	20,00	4.000,00	✓	4.000,00
VII	OO SDA Sarajevo Centar	10	20,00	200,00	✓	200,00
	Ukupno- realizacija	1600	20,00	32.000,00	4.342,00	27.658,00

- VII Podijeljeno učesnicima promocije knjige u zgradi „Narodnog pozorišta“ uz pozivnicu 400 komada x 20 KM = 8.000,00 KM, a prema Odluci koju posjedujete. Znači ovih 8.000,00 KM knjiženo je na potražnu stranu konta 4173. Budući da se radi o

donaciji fizičkim licima na osnovu pomenute Odluke zadužen je konto 40603 za KM 8.000,00.

Iz gornjeg je vidljivo da je fakturisana realizacija 40.000,00 KM umanjena 4.342,00 KM (rabat odobren knjižari „Š“) ili tačno na potražnoj strani konta 4173 na ime realizacije pomenute knjige KM 35.658,00 .

Ostala knjiženja ka kontu 4173 potražna strana: Knjiženje KM 10.152,00
Uplate prema fotokopiji virmana u prilogu ne odnose se na knjigu

Ostala knjiženja koja se ne odnose na knjigu KM 1.485,00
(fotokopija dokumenta u prilogu)

Knjiženje koje se ne odnosi na knjigu KM 12.498,00
(kopija dokumenta u prilogu)

Knjiženje koje se ne odnosi na knjigu KM 11.197,20
(kopija dokumenta u prilogu)

Knjiženje koje se ne odnosi na knjigu KM 49,18
(kopija dokumenta u prilogu)

Sva ova knjiženja na potražnoj strani knjižena su u korist konta 4173 – ostali prihodi i za njih prilažemo valjanu dokumentaciju.

Zaključak je da je fakturisani prihod knjige „Tajna zvana Bosna“ KM 35.658,00 uz primjedbu da je na dugovnoj strani konta datih donacija proknjižen iznos od KM 8.000,00 koji predstavlja datu donaciju fizičkim licima (kao što smo napomenuli).

Smatramo da smo analitički obrazložili realizaciju prodaje knjige „Tajna zvana Bosna“ koja ne odgovara vašoj konstataciji da je SDA ostvarila prihod u iznosu KM 71.039,38, vodeći računa da bi stvarno realizacija po ovoj knjizi bila **35.658,00KM – 8.000,00KM = KM 27.658,00.**

Vaša primjedba da je za štampariju GIK OKO KM 4.134,31 formirana obaveza bez ikakve vjerodostojne knjigovodstvene dokumentacije, prilažemo : Pismo namjere od 15.01.2004.godine i narudžbu od 22.01.2004.godine u kojoj se naručuje štampanje knjige Alije Izetbegovića „Tajna zvana Bosna“. U momentu izrade kalkulacije rukovodili smo se činjenicom da smo našom dokumentacijom potvrdili troškove KM 4.134,31 iz ponude GIK-a (OKO) čija fotokopija je dostavljena reviziji, kao i zahtjev za štampanje knjige u pomenutom iznosu od 22.01.2004.godine.

Dionice

Prema dokumentaciji koju posjedujete u 12 mjesecu 1996.godine SDA upisuje 2.000 dionica x 100 KM nominalne vrijednosti = 200.000,00 DM, a na osnovu odluke Vakufske banke Sarajevo o raspisivanju druge emisije dionica u cilju povećanja osnivačkog kapitala. U prilogu vam ponovo dostavljamo fotokopije kartica Vakufske banke Sarajevo od 13.12.1996.godine. Od ovog iznosa 01.08.2001.godine izvršen je prenos na BIHAMK Sarajevo 982 dionice nominalne vrijednosti 100,00 DM = 98.200,00 DM (kartica broj 2).

Izvod iz kartice 22.10.2001.godine, kartica broj 3, SDA raspolaže sa 1.129 dionica nominalne vrijednosti 100,00 DM ukupne vrijednosti 112.900,00 DM.

U skladu sa članom 17. Zakona o izmjenama i dopunama Zakona o bankama (Službene novine F BiH, broj 41/02) po kojem je političkim partijama ili strankama zabranjeno da mogu biti dioničari banke, a na poziv Vakufske banke Sarajevo od 21.10.2002.godine, Stranka demokratske akcije je u cjelosti ispoštovala obaveze koje su za nju proizilazile iz ovog zakona.

Naime, shodno ovom zakonu Vakufska banka je trebala uskladiti svoje poslovanje u roku od 6 mjeseci od dana stupanja Zakona na pravnu snagu, tj. do 24.02.2003. godine. Poštujući rok od 6 mjeseci 21.02.2003.godine (tri dana prije isteka roka) SDA je potpisala unificirani Ugovor „Opšti ugovor o posredovanju vrijednosnih papira broj 4“ sa brokerskom kućom Palisaen Sarajevo, kojim je regulisano posredovanje u prodaji predmetnih dionica, čiji je prilog „opšti uslovi poslovanja“ po ovom ugovoru (također posjedujete fotokopiju).

11.03.2003.godine Palisaen doo Sarajevo nam je dostavio dopis kojim nas obavještava da je : Realizacija naloga za kupovinu dionica Vakufske banke (VKFBR) količine 1129 po cijeni 69,99KM zvanično ugovorena u 24 jednake rate i otpočinje sa sutrašnjim danom 12.03.2003.godine, tako da bi prva aplikacija trebala biti već u četvrtak dana 13.03.2003. ✓

Zaključak: Iz gore izloženog vidljivo je da je SDA u dozvoljenom roku od 6 mjeseci zaključila ugovor sa brokerskom kućom o prodaji dionica, te da je prodaja obavljena na tržištu vrijednosnih papira, u skladu sa Zakonom o vrijednosnim papirima.

Ujedno napominjemo da po prodaji dionica nije mogao biti ostvaren prihod iz razloga što se iste kupuju ispod nominalne vrijednosti, tj. po stopi 69,97 %.

Sugestija revizije data na strani 6 preliminarne izvještaja, za usklađenje sa odredbama člana 3. stava 1. Zakona o finansiranju političkih stranaka, po kojoj se preporučuje Stranci demokratske akcije da dionice Vakufske banke u što kraćem roku proda ili pokloni trećim licima je u cjelosti ispoštovana, jer je Stranka te dionice već prodala i do 21.07.2005.godine je izvršena uplata posljednjih rata.

c) Godišnji prihod od imovine SDA i prihod od preduzeća u vlasništvu stranke nije premašio 20% iznosa ukupnog godišnjeg prihoda stranke (strana 6)

Konstatacija revizije se ne može prihvatiti, jer se obrazac 3-c zbirni u potpunosti slaže sa pojedinačnim.

Naime, Centrala SDA je prilikom popunjavanja zbirnog obrasca 3c ispravila grešku Općinskog odbora SDA Orašje koji je u navedenom obrascu unio ukupne prihode svog odbora. OO SDA Orašje nije imao prihoda od imovine (prilog : tabelarni prikaz obrasca 3c (zbirni i pojedinačni) i obrazac 3 i 3c Općinskog odbora SDA Orašje).

Strana 7 pasus 2

Vaša konstatacija da smo po obrascima 3-b (Zbirni izvještaj na nivou Stranke) više iskazali 10.671,55 KM nije tačna.

Mnogobrojnim provjerama nismo uspjeli dobiti ni približno iznos koji vi navodite tj. 182.291,93KM, zbog toga vam u prilogu dostavljamo ponovo sve pojedinačne obrasce

3b kako bi i vi provjerom ustanovili da SDA nije prikazala priloge pravnih lica u većem iznosu.

d) SDA je u izvještajnom periodu postupila suprotno odredbama člana 5. stav 1, jer je primila priloge tri pravna lica, od kojih je svaki premašio limit na visinu priloga, odnosno premašio osam (8) prosječnih neto plata u Bosni i Hercegovini prema službenim podacima Agencije za statistiku Bosne i Hercegovine za 2004. godinu

Odgovor:

Kontrolom je utvrđeno da je „Centrala SDA primila priloge od tri pravna lica, od kojih svaki u iznosu od po 4.280,00 KM ili za 240,00 KM više od dozvoljenog limita. Gotovinska vrijednost učinjenog prekršaja iznosi 720,00 KM“.

Navedeni propust je učinjen usljed primjene zvaničnih podataka o prosječno ostvarenoj plaći koje objavljuje Federalni zavod za statistiku. Prilikom prihvata donacija fizičkih lica Stranka je previdjela da je osnovica za izračunavanje osam prosječnih plata na nivou BiH, a prema zvaničnom izvještaju Agencije za statistiku BiH, nego se, greškom, u ova tri slučaja rukovodila prosječno isplaćenom plaćom u F BiH.

Ovaj propust je rezultat stvarno nenamjernog postupanja Stranke.

e) SDA nije prijavila sve pojedinačne priloge pravnih i fizičkih lica čiji ukupni iznos premašuje 100 KM, čime je prekršila član 6. Zakona o finansiranju političkih stranaka;

i

f) U 2004. godini SDA je primila zabranjene priloge čime je prekršila odredbe člana 8. stava 1. Zakona o finansiranju političkih stranaka, jer je besplatno koristila poslovne prostorije u vlasništvu organa uprave, mjesnih zajednica i u privatnim kućama svojih članova.

U pogledu korištenja poslovnih prostora za rad Stranke u kućama svojih članova, revizija je prihvatila pretpostavku da je cijena tih usluga veća od 100 KM. Međutim cijena zakupnine je, shodno Zakonu o obligacionim odnosima, stvar ugovornog odnosa zakupodavca i zakupoprimga, tako da se ne može apriori pretpostavljati da je taj iznos preko 100 KM, jer zakupodavac ima pravo da odluči koji će iznos naplatiti zakupoprimgu, i niko mu to njegovo pravo ne može osporavati, niti tvrditi bez njegovog izjašnjenja da je taj iznos veći od 100 KM.

Netačna je tvrdnja revizije da se u tom slučaju radi o zabranjenim priložima u smislu člana 8. Zakona, jer to nisu zabranjeni prilozi, nego su to prilozi za koje shodno članu 6. postoji obaveza unošenja u finansijski izvještaj, ukoliko premašuju zakonom propisani iznos.

U pogledu zabranjenih priloga, značajno je istaći da u BiH postoji dugogodišnja praksa da se u objektima institucija vlasti od najnižeg do najvišeg nivoa osiguravaju prostorije za rad stranaka koje participiraju u vlasti u tim organima. Na taj način je i SDA, zajedno sa drugim strankama koristila dodijeljene prostore, i to nikada nije shvaćano, niti može biti shvaćano kao finansiranje političkih stranaka koje je izričito zabranjeno članom 8. Zakona. Na ovaj način organi vlasti omogućavaju rad predstavnicima političkih stranaka koje participiraju u tim organima vlasti.

Stranka demokratske akcije je i prije revizije zatražila od svih nižih organizacionih jedinica Ugovore o načinu korištenja poslovnih prostorija od kojih su, zaista, pojedini bili

bez naknade, bilo sklopljeni sa pravnim ili fizičkim licima. Prije prijema Preliminarnog izvještaja dana 23.12.2005.godine upućen je zahtjev o zaključenju Ugovora o korištenju poslovnih prostora, i o strogom poštivanju člana 8. Zakona o finansiranju političkih stranaka (dopis u prilogu). Čest je slučaj da naši organizacioni dijelovi ne mogu zaključiti ugovor o korištenju poslovnog prostora uz naknadu, jer pojedini opštinski organi koji sa ugovarači sa nižim organizacionim dijelovima **ni sami nisu riješili svoj status sa ranijim vlasnicima poslovnog prostora, ili je procedura u toku. Jedan od primjera je OO SDA Bosanska Krupa i Opština Bosanska Krupa (fotokopija dopisa u prilogu).**

Također, očekujemo da vlasnik, Vlada F BiH, pod istim uvjetima, sklopi Ugovor o korištenju, uz odgovarajuću naknadu, sa svim korisnicima u zgradi od SUBNOR-a pa do svih zastupljenih. Napominjemo da sve naknade komunalnih usluga (grijanje, voda, električna energija, ptt troškovi, odvoz smeća, dimnjačar itd), kao dobar domaćin, uredno izmirujemo. Također, učestvujemo u održavanju poslovnog objekta prema primljenim fakturama.

Kada je u pitanju korištenje poslovnih prostorija od strane KO SDA Sarajevo, potrebno je naglasiti da je tačno da je postojao Ugovor o zakupu koji je zaključen 1997. godine na period od 5 godina, te da je iznos zakupnine utvrđen Ugovorom kompenziran sa iznosom koji je uložen u rekonstrukciju i adaptaciju prostora koji je u potpunosti bio devastiran. Naime, istina je da sa Općinom Stari Grad nikada nije zaključen poseban Ugovor o kompenzaciji, međutim **pravni osnov za kompenzaciju je sadržan u Ugovoru o zakupu, i ista je bila dogovorena tako da Općina nije isplaćivala mjesečne fakture za zakupninu. Nakon proteka roka od 5 godina Ugovor je prećutnom voljom ugovornih strana obnovljen, a u 2004. godini je sa Općinom Stari Grad zaključen novi Ugovor o zakupu.**

Ostali nalazi:

Strana 10 - Postojanje deviznog računa PBS –Sarajevo.

Iz ove konstatacije slijedi da SDA nije knjigovodstveno evidentirala postojanje deviznog računa. Razlog za ovo je taj što Stranka preko ovog računa nije obavljala platni promet, niti su na isti pristizale ikakve devizne uplate. Naime iz listinga prometa ovog računa je vidljivo da je isti imao svrhu uplate u KM i konverzije u eur-e za izvršenje naloga prema inostranstvu i naloga za službena putovanja prema inostranstvu koji su u reviziji detaljno pregledani. Napominjemo da su vam prezentirane istovrsne promjene u deviznoj blagajni i na izvodima računa u KM PBS Sarajevo – što ste i sami konstatovali na strani 10 pasus 5. Ujedno Vas obavještavamo da smo u 2006.godini zatražili gašenje ovog računa radi prelaska na jedinstveni način poslovanja na nivou Stranke u HVB CPB Sarajevo.

Napominjemo da je početno stanje ovog računa 01.01.2004.godine 1,98 eur-a ,a konačan saldo ovog računa na dan 31.12.2004.godine je 3,37 eur-a. Prilog: knjigovodstvena kartica PBS Sarajevo za period 01.01. – 31.12.2004.godine.

Strana 10 - Dodjela jednokratnih pomoći

Odobrovanje pojedinačnih iznosa novčane pomoći je vršeno na osnovu Generalnog ovlaštenja direktora Centrale SDA. Novčane pomoći su zaista, odobravane na pismeni zahtjev svakog pojedinačnog podnosioca, te prema mogućnostima Stranke, i iste su isplaćivane na račun primaoca kod poslovne banke, i to u pravilu do cca 100,00 KM. Ne

postoji nikakav stvarni razlog na osnovu kojeg bi revizija sumnjala u vjerodostojnost ovog ovlaštenja, jer su donacije stvarno dodjeljivane, samo i isključivo osobama koje se nalaze u stanju nužde i kojima je ta pomoć bila neophodna.

Strana 11. – Potraživanja evidentirana na kontu kratkoročnih potraživanja

Potraživanja za iznose od KM 20.000,00 Bosnia produkcijom i KM 100.000,00 Bosniafilm Sarajevo- sredstva uplaćena prije 2000.godine.

S obzirom da ove firme više ne postoje, to nije ni postojala mogućnost podnošenja tužbe nadležnom sudu radi naplate potraživanja, kao ni bilo koja druga mogućnost naplate. Firme su bile osnovane, svaka odvojeno sa posebnom namjenom, za provođenje pojedinih projekata koji su propali iz raznih razloga tj. do realizacije tih projekata nikada nije ni došlo. Konstatciju revizije da SDA nije predočila dokumentaciju iz perioda prije 01.01.2000.godine obrazlažemo činjenicom da je ista uništena u požaru prema Zapisniku MUP-a koji Vam je dostavljen. Prilog Zapisnik MUP-a i Presuda Općinskog suda I u Sarajevu.

03.08.2005.godine smo po Odluci koju posjedujete izvršili isknjiženje ovog potraživanja.(fotokopije u prilogu).

Strana 11. - Fotokopije kartica -

Na konstatciju revizije da je pogrešno kontirana uplata KO SDA Sarajevo, dajemo slijedeća objašnjenja: Izvodom br. 26 od 08.12.2003. godine izvršena je uplata KO SDA Sarajevo za knjigu „Tajna zvana Bosna“. Ovom uplatom se trebalo ispravno prihvatiti na potražnu stranu konta 12100 kupci u zemlji. Budući da se radilo o uplati za knjigu čija je štampa bila u toku mi smo uplatu prihvatili na konto 38006 2003.godine, a po izvršenom fakturisanju 2004.godine na istom kontu s potražne strane smo stornirali ovu uplatu i odobrili račun kupaca konto 12100. Zakonom o računovodstvu fakturisanje se vrši zaduženjem konta kupaca i odobrenjem realizacije, a uplata po fakturi zaduženjem novčanih sredstava 10104 i odobrenjem konta kupaca. Prema tome ovdje se ne radi o neiskazanom prihodu, koji je već ranije iskazan kod fakturisanja, nego se radi o zatvaranju novčanih uplata konta kupaca. Prilog kartica konta 38006 2003. i 2004.godina.

Strana 12 - Gradski odbor SDA Mostar - konstatcija i sugestija se prihvaćaju.

Strana 12 i 13 - FONUS

Fond za stipendiranje nadarenih učenika i studenata „FONUS“, koji predstavlja organizaciju ustanovljenu Statutom Stranke, se finansira od pomoći i donacija. S obzirom da se iznos donacija i pomoći nikada ne može precizno predvidjeti, to se dešava da Fonus nije u stanju izvršiti sve obaveze stipendiranja koje je preuzeo dodjelom konkretnih stipendija. Stoga je finansijska potpora Stranke, kao osnivača, u finansiranju Fonusa neophodna. Stranka demokratske akcije ima trajno opredjeljenje da stipendira nadarene studente i učenike u cilju poticaja obrazovanja, kao i u cilju podizanja obrazovnog nivoa mladih ljudi u Bosni i Hercegovini a naročito djece povratnika (Prilog Konkursi 2004/2005 i 2005/2006). Radi ostvarenja ovog cilja je i osnovan Fond za stipendiranje nadarenih učenika i studenata. Potraživanja koja SDA ima prema Fonus-u nisu se mogla naplatiti zbog nedostatka potrebnih finansijskih sredstava. Svaka prinudna naplata dovela bi u pitanje ostvarivanje osnovne funkcije Fonda, a to je stipendiranje nadarenih mladih ljudi, što SDA niti može, niti smije dozvoliti.

ZAKLJUČAK

Ovo je prva revizija Izborne komisije Bosne i Hercegovine, kojoj su uposlenici Stručnih službi Centrale SDA stavili na raspolaganje svu traženu dokumentaciju, i sami bili na raspolaganju revizorima i imali želju da ova revizija ukaže na eventualne propuste u radu koji bi se otklanjali odmah dok revizija traje, ili ukoliko to nije moguće, odmah po sačinjenom zapisniku. Iz ovog obrazloženja je vidljivo da smo sugestije revizije prihvatili, ali smo u izvjesnim slučajevima ukazali na neke zaključke revizije koji su samo djelimično tačni. Želja nam je, kao Stranci, da se poslovanje odvija bez primjedbi, ali sama struktura ove Stranke (122 općinska odbora, 10 kantonalnih odbora i 6 regionalnih odbora) ukazuje na svu obimnost rada pomenutih stručnih službi, kao i izuzetno zahtjevno koordiniranje sa nižim organizacionim jedinicama. Cijenimo da će se, uz neznatne korekcije i novi sistem rada Stručnih službi na nivou Stranke, u 2006. godini ukloniti eventualni propusti.

Iz izvještaja o reviziji da se zaključiti da nije bilo primjedaba na iskaze ostalih grupa konta koje ste kontrolisali prema ukupno izlistanoj glavnoj knjizi: **osnovna sredstva, obračun troškova amortizacije, plaća, obračun i isplata, vođenje blagajničkog poslovanja i sl. Mi smatramo da je u ovako velikom obimu posla koje obavljaju stručne službe**, te činjenici da je 2004 godina bila izborna godina, to značilo i dodatne napore u prikupljanju i dostavi raznih informacija, izvještaja ne samo Izornoj komisiji BiH, nego i Statutom predviđenim organima unutar Stranke (Nadzorni odbor, Glavni odbor itd.), što samo po sebi predstavlja interne kontrole na nivou naših organizacionih dijelova, Centrale SDA i Stranke u cjelini. O potrebi uvođenja sistema internih kontrola dali ste sugestiju na strani 9. tačka I.

Iz preliminarog izvještaja Izborne komisije vidljivo je da nisu konstatovane povrede Zakona o računovodstvu.

U potpunosti je ispoštovan vrlo važan segment plaća, naknade plaća, svi troškovi su obračunati i plaćeni u dozvoljenim granicama ili ispod, nije bilo nedopuštenih troškova ili rashoda. Statutom Stranke je regulisana kontrola rada Finansijske službe Stranke. Nadzorni odbor vrši kontrolu rada službe računovodstva (primjeni Zakona o računovodstvu i računovodstvenih standarda).

Napominjemo da je u Stranci- Centrala i nekim njenim kantonalnim odborima bila inspekcija rada koja nije konstatovala nikakve nepravilnosti iz oblasti radno-pravnih odnosa.

Ističemo da obzirom na veliki broj općinskih, kantonalnih i regionalnih odbora samo znanjem i izuzetnim zalaganjem nije bilo povreda Zakona o računovodstvu niti računovodstvenih standarda.

Na kraju bi se željeli zahvaliti revizorima na korektnom odnosu prilikom pregleda dokumentacije u stručnim službama Stranke, naporu koji su imali na terenu u obilasku nižih organizacionih jedinica, uz iskrenu nadu da smo bili dobri domaćini i da sve primjedbe i sugestije prihvatamo kao dobronamjerne, a sve sa ciljem poboljšanja poslovanja Stranke, kao osnove za buduće revizorske kontrole.



Generalni sekretar SDA

Amir Zukić, dipl. pravnik

SPECIFIKACIJA PRILOGA

1. Riječ urednika
2. Odluka o štampanju knjige „Tajna zvana Bosna“
3. Mišljenje FM obrazovanja i nauke
4. Ponuda štamparija OKO
5. Potvrda(narudžba) štampanja 2000 komada knjige.
6. Ugovori sa d.o.o „Š“ Sarajevo
7. Pojedinačni nalozi za knjiženje sa potrebnom dokumentacijom
8. Kartice ostalih knjiženja na kontu 4173(ostali prihodi)
9. Odluka o raspisivanju 2. emisije dionica od 03.01.1996 god.
10. Odluka o upisu i uplati dionica Vakufske banke od 15.01.1997 godine
11. Dopis Vakufske banke od 21.10.2002 god.
12. Opšti ugovor o posredovanju sa brokerskom kućom PALISAEN od 21.02.2003 god.
13. Cjenovnik brokerske kuće od 17.10.2002 god.
14. Obavještenje brokerske kuće od 11.03.2003god o prvoj transakciji 47 dionica sa naznakom da je zvanično ugovoreno plaćanje u 24 jednake rate i otpočinje sa 12.03.2003.god.
15. Tabelarni prikaz Vašeg obrasca prihodi od imovine 3-c (zbirni i pojedinačni) i obrazac 3 i 3c za OO SDA Orašje
16. Pojedinačni obrasci priloga pravnih lica 3-b
17. Dopis KO i RO o zaključenju ugovora o korištenju poslonog prostora.
18. Odgovor OO SDA Bosanska Krupa
19. Ugovor o korištenju poslovnog prostora za OO SDA Kreševo
20. Knjigovodstvena kartica traženog računa kod PBS od 01.01.2004 – 31.12.2004.god.
21. Izvještaj o stanju konta 11210 i 12390
22. Potvrda MUP-a i presuda Općinskog suda I u Sarajevo vezano za požar u Centrali.
23. Kartice konta 38006 i 12100 i dokaz o uplati KO SDA Sarajevo
24. Konkurs FONUS-a za školsku 2004/2005 i 2005/2006 godinu.